

آبونه اولمق ایستینلر دائره عدلیه ده
اداره مخصوصه سنه مراجعت
ایتملیدر

اعلاناتک بهرنیدن بر مجیدیه اخذ
ایدیلور

نسخه سی ۴۰ پاره در

کرنیک محاکمات

سنه لکی درساعات ایچون مجیدیه
یکرمی غروش حسابیه التمش
غروشدر

طشره ایچون بوسته اجرتی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

تجربیات

ارضروم ولایتی مرکز بدایت محکمه سی حقوق
دائرة سی ریاستی اطنه ولایتی مرکز بدایت محکمه سی
جزا دائره رئیس احمد حمدی افندی به
اطنه ولایتی مرکز بدایت محکمه سی جزا دائره سی
ریاستی حاب ولایتی مرکز بدایت محکمه سی مدعی
عمومی معاونی نشئت بکه
حاب ولایتی مرکز بدایت محکمه سی مدعی
عمومی معاونلکی مناستر ولایتی مرکز بدایت
محکمه سی مدعی عمومی معاون سابقی رفعتلو شوکت
افندی به

موش سنجانی بدایت محکمه سی جزا دائره سی
ریاستی سعرد سنجانی بدایت محکمه سی مدعی
عمومی معاونی فتوتلو محمود ندیم افندی به
سعرد سنجانی بدایت محکمه سی مدعی عمومی
معاونلکی بصره ولایتی مرکز بدایت محکمه سی
مدعی عمومی معاونی مصطفی نوری افندی به
بصره ولایتی مرکز بدایت محکمه سی مدعی
عمومی معاونلکی لازقیه سنجانی بدایت محکمه سی
مدعی عمومی معاون سابقی محمود ماجد افندی به
ماردین سنجانی بدایت محکمه سی مدعی عمومی
معاونلکی مرسیین سنجانی بدایت محکمه سی مدعی
عمومی معاون سابقی حمدی افندی به
زور سنجانی بدایت محکمه سی مدعی عمومی معاونلکی
دیوانیه سنجانی بدایت محکمه سی مدعی عمومی معاون
سابقی محمد علی افندی به

دیوانیه سنجانی بدایت محکمه سی مدعی عمومی
معاونلکی مکتب حقوق شاهانه مأذونلرندن مصطفی
فوزی افندی به

قاریوط جزیره سی بدایت محکمه سی ریاستی پروزه
تجسارت محکمه سی رئیس اسبقی خرساکی پادو پولوس
افندی به تفویض بیورلش ومومی الهمدن نشئت
بک ایله شوکت ومحمودندیم وماجد وحمدی ومحمد علی
افندیلرک مأموریت سابقه لرینه حین تعیینلرنده امر

تحلیفلی اجرا قلمش اولدینی کی دیگرلرینک دخی
علی الاصول اجرای تحلیفلی دردست بولنشددر.

نشان

بک اوغلی بدایت محکمه سی مستنطق اعضاسندن
سعادتلو جمال بکه خدمات حسنیه سنه مکافاة ایکنجی
رتبه دن مجیدی نشان دیشانی احسان بیورلشددر.

تبلیغات

اعشار التزامندن متولد دینلرینک استیفاسی
ضمننده ملتزمین ایله کفلاسک بلا حکم منقول وغیر
منقول ماللرینک حجز وفروختی بولنده جریان ایدن
معامله نیک جانب خزینهدن دیون عمومیه اداره سیله
زراعت بانکهنه جیرو ایدیلان التزام سندانه مستند
مطلوبات حقنده دخی اتحاد و اجراسی لازم کلوب
کلیه جکی حقنده یانیه ولایتی استیناف محکمه سی مدعی
عمومیلکندن وقوعبولان اشعار اوزرینه ایجاب کیفیت
انجمن عدلیه جه لدی التذکر اعشار التزام ایدنلرله
کفلاسی ذمترلنده کی مطلوبات خزینهنک حین التزام
واحاله ده آلتان سندانات مصدقیه ابتداء دائره اجراجه
طوغریدن طوغری به ملتزمین ایله کفلاسک
منقول وغیر منقول ماللرینک حجز وفروختی صورتیه
استیفاسی اعشار نظامنامه سنک اوتوزطقوزنجی ماده سی
احکامندن اولدیغنه و دیون عمومیه اداره سیله زراعت
بانقه لرینه جیرو ایدیلان سندانک حاوی اولدینی مباد
لغک اساساً اعشار التزامندن متولد مطلوبات امیریهدن
اولمسی اعتباریه اولباده کی احکام نظامیه نیک بو قبیل
التزام سنداتی حقنده دخی جریانی طبیعی بولندیغنه بناء
اولوجهله معامله ایفاسی انجمن مذکورندن افاده وصور
محروره وجهله عدلیه نظارت جلیله سندن ذکر اولنان
مدعی عمومی لکه تبلیغ ماده قلمشدر.

با اعلام محکوم به اولان دینک تسویه سی ضمننده
مدیونک اموال واملاکنه وضع ید وحجز معامله سنک

ایفاسیچون اموال واملاک مذکوره نیک بولندیغنی محله
اعزام اولنان اجرا مأمورلرینه نه صورتله خرج راه
ویا مصارف ضروریه اعطاسی لازم کله جکنه دائر
صراحت نظامیه اولدیغندن بخله استفسار معامله بی متضمن
قیصریه سنجانی بدایت محکمه سی ریاست اولاسندن
وارد اولان تحریرات اوزرینه، مأمورینه اعطاسی لازم
کلان خرج راهک اولباده کی قرارنامه ایجابجه ترتیب
مخصوصندن وخزینة جلیله دن ویرلمکده ووضع ید
وحجز کی معامله قانونیه بی لاجل اجرا اموال واملاک
کک بولندیغنی محله عزیمت ایدن مأمورین اجرایه به
ویرلمسی اقتضا ایدن اچیه ایسه حاجز وداینلردن
آلفقده اولمسنه نظراً خرج راه قرارنامه سنک بوبابده
مابه التطبيق اوله میه جنی درکار بولنمش اولدیغندن
مأمورین مومی الهمک ذکر اولنان قرارنامه مندرجانه
توفیقاً ساعت اعتباریه خرج راه اخذینه صلاحیتلری
اولیوب انجق سائر مأمورین محاکمه قیاساً و اصول
محاکمه حقوقیه قانوننیک ارانه ایدلکی جوازه بناء
عزیمت ایده جکلی محاکم بعد مسافه سی ووسائلط
نقلیه نیک اجرتی نسبتنده مصارف ضروریه لرینی
استیفایتملری اقتضا ایده جکنه وبونک تعیین مقداری
اجرا وظیفه سیله مکلف اولان رؤسای محاکمه عائد
ومقام نظارتدن تعمیماً تسطیر اولنان ۱ مایس سنه ۳۰۹
تاریخی تحریرات ایله اشعار اولندیغنی اوزره برقریه ده
ساکن اشخاص متعدده ایچون بشقه بشقه اجرت مباد
شریه آلتامسی حقنده کی اصولک ذکر اولنان مصارف
ضروریه نیک تعیین مقداری امرنده دخی نظر دفته
آلتامسی لازم ولابد ایدوکی انجمن عدلیه افاده سیله
عدلیه نظارت جلیله سندن جواباً ریاست مذکوره به
بیلدرلشددر.

محاکمات مقدمات

محکمه تمیز استدعا دائره سندن اعطا قلنان

۳ حزیران سنه ۳۱۹ تاریخی اعلامدر:

درساعات هیئت اتهامیه سندن تنظیم واعطا اولنان

سوليك تجارت محكمه سنده :

سلانيك مركز تجارت محكمه سنجه افلاسته حكم اولمش اولان ويدال ولد نبشتي ذمتنده آله جغني اثبات ويا موقتاً قبول وقيد اينديرمش اولان اله جقلولرك قانوننامه تجارتك ۲۱۱ نجى وانى ولى ايدن ماده سى موجبجه مفلس مرقوم طرفدن تكليف اولنه جق قونقوردا تونك مذاكره سى ايچون شهر حال رومينك يكرمى دردننجي پنجشنبه كوني ساعت درت راده لرنده محكمه مذكوريه كللى اعلان اولور .

اعلامات شرعية اجراء داره سنده :

متوفى حسين خاكي افندي ورثه سنك عايشه اقبال خانم ذمتنده قسمت عسكرية محكمه سندن اعطا قلنان مقتضا اعلامى موجبجه الاجنى اولان مبالغ معلومه نك تأمين استيفاسى ضمنتده مرهون وفروختى محكوم بولنان چنبرلى طاش قربنده عتيق على پاشا محله سنده طاق بازاري جاده سنده كائن اون اوچ نومرو ايله مرقم بر باب دكان دروننده موجود بربر كدكي ايله كذلك محل مذكوره واقع اوتوز سكر نومرو ايله مرقم بر باب وقف قهوه دكاني دروننده موجود وقف بربر كدكي بوندن اقدم لدى المزايدة ليراي عثمانى يوز غروشدن مذكوراون اوچ نومرولى دكان دروننده موجود بربر كدكي درت بيك اوچيوز غروش و اوتوز سكر نومرولى قهوه دكاني دروننده كي وقف بربر كدكي دخي درت بيك ايكيوز غروش بدل ايله طالي اوزرنده تقرر ايتمش وموقت قرار داده سى كشيده قلنمش اولديغندن يوزده بش ضميله بوندن زياده طالب اولنلرك اشبو تاريخ اعلاندن اعتباراً اوتوز بر كونه قدر در سعادت اعلامات شرعية اجراء داره سنده مراجعت ايللري ومدت مذكوره دن صكره ضم قبول اولنمىوب تقرر ايدن بدل مقابلنده طالي عهده سنده معامله فراغيه سنك اجرا قلنه جغني اعلان اولور .

اعلامات نظامية اجراء داره سنده :

قسطنيك با اعلام نظامى يونان دولتي تبعه سندن ذخيره جي ديمتري ذمتنده محكوم به الاجنى اولان مبالغك تأمين استيفاسى ضمنتده حكماً محجوز اولوب فروختي تقرر ايدن قهوه وشكر وسائر اوله رق بقاليه سنك تاريخ اعلاندن اوچ كون صكره يعنى ماه حال رومينك يكرمى اوچنجي چهارشنبه كوني ساعت بشده ليون اسكاه سنده ذخيره جيلر جاده سنده بالمزايدة فروخت

اوله جغني در سعادت اعلامات نظامية اجرا داره سندن اعلان اولور .

احمد رشدى افندي نك عارف بك ذمتنده با اعلام نظامى الاجنى اولان مبالغه مقابل مرهون وفروختي محكوم بولنان منكنه ونور عثمانيه جاده لرنده واقع تخميناً ايكيوز اوتوز ايكي آرشون عرصه اوزرينه كاركي اوله رق درت قاتدن عبارت اون اوطه ، اوچ صفه وبرمطبخ وبركيلار وبرقيو وبرمقدار مر مردوشه لى حولي وبربوروم وآلتنده ايكي باب دكاني ومشمولات سائرني حاوي اولوب مجموعى شهرى يكرمى درت بيق مجديه ايجار كتورير ۳۴ نومرولى خانه ودكانلرك ثلثان حصه لر نك تاريخ اعلاندن اعتباراً اون بش كون صكره بالمزايدة فروخته تشبث اوله جغني در سعادت اعلامات نظامية اجرا داره سندن اعلان اولور .

ماليه خزينه جليله سنك شهر امانت جليله سى وزنده دار اسبقى متوفى عزت افندي ذمتنده در سعادت بدايت محكمه سى ايكنجى حقوق داره سندن غيابة وآنى تصديقاً اعطا قلنان اعلامات موجبجه غير از استيفاسى الاجنى اولان التى يوك كسور بيك غروشك تأمين استيفاسيچون مديون متوفانك عهده تصرفنده اولوب ورثه سنده انتقال ايدن ادرنه قوسى جوارنده كچه جي پيري محله سنده صارمشق زقاغنده واقع ۱ نومرولى وايكيوز اللهى آرشوندن عبارت خانه عرصه سى ينه محل مذكوره مذكور عرصه قارشوشنده ۳ نومرولى وتخميناً بشيك التى يوز قرق آرشوندن عبارت باغچه وينه محل مذكوره واقع تخميناً التى بيك التى يوز كسور ذراعدن عبارت بوستانك آلتشر سهم اعتباريله بشر سهم لر نك تاريخ اعلاندن اعتباراً اون بش كون صكره بالمزايدة فروخته تشبث اوله جغني در سعادت اعلامات نظامية اجرا داره سندن اعلان اولور .

زراعت باقعه سنك يانيه لى عزتلى محمد عاصم افندي ايله زوجة سى وكقبلى نسيمه خانم ذمتلرنده اولان مطلوب نك تأمين استيفاسى ضمنتده باقعه نامنه مرهون اولوب مومى اليه اادن نسيمه خانمك متصرفه اولدينى يكي باغچه ده قره باش محله سنك زينل اغا زقاغنده واقع معلوم الحدود والمشمولات تخميناً التى دونمدن عبارت وسنوى اوچ بيك غروش ايجارلى ۱۱ نومرولى برقطعه بوستانك ملكى ايله دروننده مستقر بر عدد بوستان كدكي وكچه جي پيري محله سنده نازن زقاغنده واقع معلوم الحدود والمشمولات تخميناً سكر دونمدن عبارت وسنوى ايكي بيك غروش ايجارلى وتخميناً بيك آرشونى متجاوز ۱۳ نومرولى منزل عرصه سنى محتوى ۱۱

نومرولى ديكر برقطعه بوستانك ملكى ايله دروننده مستقر بر عدد بوستان كدكي تمام نك زراعت باقعه سى نظامنامه سيله اجرا قانونى احكامنه توفيقاً تاريخ اعلاندن اعتباراً اون بش كون صكره بالمزايدة فروخته تشبث اوله جغني در سعادت اعلامات نظامية اجرا داره سندن اعلان اولور .

بك اوغلى بدايت محكمه سى اجراء داره سنده :

اليس خانمك ترزى نيقولى ذمتنده محكوم به الاجنى اولان يوز اوتوز بر عدد ليراي عثمانى ايله كسور غروشك مع فائض ومصارف محاكمه تأمين تسويه سى ضمنتده مديون مرقومك عهده تصرفنده اولوب دايته مزبوره نامنه فراغ بالوفا صورتيه مرهون وفروختي بك اوغلى بدايت محكمه سى برنجى حقوق داره سى حكم اعلامنه مسند اولان اورته كويده پاياس اوغلى زقاغنده معلوم الحدود تخميناً يوز اون آرشون مقدارى عرصه اوزرينه مبنى اوچ قاتلى وصغير وكبير التى اوطه وبرصفه وبرصهرنج وقيو وحولى وتراجة ايله خانه مذكورك اتصالنده طقسان ارشون مقدار باغچه يي مشتمل طقوز نومرو ايله مرقم بر باب خانه تاريخ اعلاندن اعتباراً اون بش كون صكره بالمزايدة فروخت اوله جغندن طالب اولانلرك ودها زياده معلومات آلق استيانلرك بك اوغلى بدايت محكمه سى اجراء داره سنده مراجعت ايللري اعلان اولور .

بكقوز قضاسى بدايت محكمه سى اجراء داره سنده :

زنجيه امينه خانمك دره سكيده مانديره جي مصطفى اغا ورثه سى عايشه وكثوم وصفيه خانمك ذمتلرنده برقطعه اعلام شرعى موجبجه الاجنى اولان مبالغ معلومه نك تأمين استيفاسى ضمنتده مزبور مصطفى اغا ايله صالح عهده سنده اولوب ارثاً مزبور تانه انتقال ايدنه جك اولان دره سكى قريه سنده قبر موقعنده اون اوچ نومرو ايله مرقم ايكيوز اللهى دونمى حاوي باغچه وترا وچاليلك ايكيوز قرق سهم اعتباريله يوزلتمش سهمى حصه شايه اوله رق لدى المزايدة ليراي عثمانى يوز غروش حسابيله اوچ بيك ايكيوز غروش بدل ايله طالي عهده سنده تقرر ايتمش اولغله تاريخ اعلاندن اعتباراً اوتوز بر كون طرفنده يوزده بش ضميله زياده طالب اولانلرك يوزده اون نسبتنده كي ديپوزيتو واقعه لر نى مستصحباً بكقوز بدايت محكمه سى اجراء داره سنده مراجعت ايللري اعلان اولور .